



দেশের প্রথম ‘এয়ার ডিসপেন্সারি’ হচ্ছে উত্তর-পূর্বাঞ্চলে: ডক্টর জিতেন্দ্র সিং

Posted On: 14 NOV 2017 11:47AM by PIB Kolkata

দেশের মধ্যে প্রথম ‘এয়ার ডিসপেন্সারি’ হতে যাচ্ছে উত্তর-পূর্বাঞ্চলে। একটি হেলিকপ্টারের মধ্যে এই এয়ার ডিসপেন্সারি করার জন্য উত্তর-পূর্বাঞ্চল উন্নয়ন মন্ত্রক (ডোনার) ইতোমধ্যেই প্রাথমিকভাবে ২৫ কোটি টাকা দিয়েছে।

নয়া দিল্লিতে রবিবার এক বৈঠকে এই বিষয়টি জানিয়ে উত্তর-পূর্বাঞ্চল উন্নয়ন মন্ত্রকের (ডোনার) স্বাধীন দায়িত্বপ্রাপ্ত প্রতিমন্ত্রী তথা প্রধানমন্ত্রীর দফতর, কর্মচারী বিষয়ক, জন-অভিযোগ, পেনশন, পরমাণু শক্তি ও মহাকাশ বিষয়ক মন্ত্রকের প্রতিমন্ত্রী ডক্টর জিতেন্দ্র সিং বলেন, কয়েক মাস ধরেই ডোনার মন্ত্রক এভাবে হেলিকপ্টারের মধ্যে ডিসপেন্সারি করার বিষয়টি নিয়ে চিন্তা ভাবনা করছে। যেসব প্রত্যন্ত ও দূরবর্তী এলাকাগুলোতে কোনো চিকিৎসা পরিষেবা নেই এবং মানুষ চিকিৎসার সুযোগ পান না, সেই অঞ্চলগুলোর কথা ভেবেই এই উদ্যোগ। বৈঠকে বিমান পরিবহন ক্ষেত্রের এবং হেলিকপ্টার পরিষেবা/পবন হনসের বিভিন্ন প্রতিনিধি উপস্থিত ছিলেন।

ডক্টর জিতেন্দ্র সিং বলেন, ডোনার মন্ত্রক বিশেষ আগ্রহ নিয়ে এই প্রস্তাব রাখছে, যাতে ২০১৮ সালের শুরুতেই উত্তর-পূর্বাঞ্চলের মানুষের জন্য কেন্দ্রীয় সরকারের তরফে এটি একটি উপহার হতে পারে।

ডক্টর জিতেন্দ্র সিং উল্লেখ করেন যে, আজও দেশের এক-তৃতীয়াংশ জনসংখ্যার কাছে হাসপাতালের সঠিক পরিচর্যা উপলব্ধ নয় এবং এর ফলে প্রত্যন্ত অঞ্চলের দরিদ্র মানুষ জরুরি চিকিৎসা পরিষেবা থেকে বঞ্চিত হন। উত্তর-পূর্বাঞ্চলের এই পরিস্থিতি উদ্যোগকে কেন্দ্রীয় সরকার জম্মু-কাশ্মির, হিমাচলপ্রদেশ সহ বিভিন্ন জায়গার প্রত্যন্ত এলাকায় ব্যবহার করবে।

ডক্টর জিতেন্দ্র সিং জানান, পরিকল্পনা অনুযায়ী প্রাথমিক এই দুটি হেলিকপ্টার থাকবে মনিপুরের ইম্ফলে এবং মেঘালয়ের শিলঙে। এই দুটি শহর স্নাতকোত্তর মেডিক্যাল প্রতিষ্ঠান রয়েছে এবং সেখান থেকে বিশেষজ্ঞ চিকিৎসকগণ ও প্যারা-মেডিক্যাল কর্মীরা হেলিকপ্টারে করে আটটি রাজ্যের যেকোন অংশে সহজে পৌঁছে গিয়ে সেখানে ডিসপেন্সারি কাজ করতে পারবেন। একইসঙ্গে এই হেলিকপ্টারে করে অসুস্থ রোগীকে শহরের হাসপাতালে নিয়ে আসাও সম্ভব হবে। এছাড়াও উত্তর-পূর্বাঞ্চলে আরও কিছু হেলিকপ্টার পরিষেবা প্রদানের পরিকল্পনা নিয়ে তিনি খুলে বলেন। তিনি জানান, ইম্ফল, গুয়াহাটি ও ডিব্রুগড়ের ছয়টি ব্লক প্রাথমিকভাবে ব্যবহার করার জন্য আরও তিনটি দুই-ইঞ্জিনের হেলিকপ্টার নিয়ে আসার পরিকল্পনা করা হচ্ছে।

(Release ID: 1509380) Visitor Counter : 3

